

Txoj Hauv Kev uas CVJU Yuav Tuaj Yeem Pab Tau

Lub Crime Victim Justice Unit (CVJU) tuaj yeem pab cov neeg raug ua phem nyob rau cov hauv kev hauv qab no tau:

- Muab cov ntaub ntawv hais txog cov neeg raug ua phem fab kev ua txhaum cai cov cai thiab txoj hauv kev yuav pab tus kheej.
- Muab kev xa mus rau cov chaw muab kev pab thiab cov kev pab hauv cheeb tsam.
- Piv seb yuav thov cov ntaub ntawv hais txog qhov teeb meem li cas los sis muab cov ntaub ntawv qhia paub ntxiv rau cov kws tshaj lij saib xyuas kev ncaj ncees rau fab kev ua txhaum cai.
- Muab cov neeg raug ua phem txuas nrog lub chaw ua hauj lwm saib xyuas kev ncaj ncees rau fab kev ua txhaum cai.
- Teb cov lus nug txog cov txheej txheem thiab cov kev coj ua ntawm Minnesota tus txheej txheem kev ncaj ncees rau fab kev ua txhaum cai.
- Pab cov neeg raug ua phem rau kev txheeb kom paub meej thiab kev hais daws cov kev txhawj xeeb tsis raws cai.
- Qhia cov tswv yim uas yuav siv los daws teeb meem nrog cov neeg ua hauj lwm hauv lub laj txheej saib xyuas kev ncaj ncees rau fab kev ua txhaum cai.
- Tshawb nrhiav kev tsis txaus siab thiab txiav txim tias seb puas muaj kev yuam cai rau tus neeg raug ua phem cov cai los sis puas muaj kev coj tsis zoo rau tus neeg raug ua phem.
- Muab cov lus qhia rau cov koom haum hais txog rau kev kho kom raug thiab kev txhim kho thaum muaj kev tshuaj xyuas pov thawj txog ib qho kev tsis txaus siab.

CVJU tsis yog tus neeg pab cov neeg raug ua phem, tab sis yog tus neeg pab kom muaj kev coj ncaj ncees thiab muaj vaj huam sib luag rau cov neeg raug ua phem txhaum cai thiab ua raws li tus neeg raug ua phem txhaum cai cov cai.

CVJU tsis muaj txoj cai los rau txim los sis nplua cov chaw ua hauj lwm uas nws mus tshuaj xyuas los sis tseev kom lawv ua raws li ib qho lus qhia twg. Tab sis, CVJU yuav nrhiav kev hloov pauv mus rau sab zoo dhau los ntawm lub chaw ua hauj lwm txoj kev koom tes.

Lub Crime Victim Justice Unit (CVJU) muaj txoj cai los tshuaj xyuas cov kev tsis txaus siab txog cov tswv cuab ntawm lub laj txheej saib xyuas kev ncaj ncees rau fab kev ua txhaum cai txhawm rau txhawb nqa cov qauv kev ua tau zoo tshaj plaws ntawm kev muaj peev xwm, kev ua tau zoo, thiab kev ncaj ncees rau cov neeg raug ua phem. Cov kev nqis tes ua ntawm CVJU yog tau txais kev coj qhia los ntawm kev ncaj ncees, kev tsis pub lwm tus paub, thiab kev huab hwm rau txhua tog.

Kev Hais Daws Kev Tsis Txaus Siab los ntawm Koj Tus Kheej

Xam lus tseg

Nco ntsoov tias tej zaum tib neeg yuav tsis tuaj yeem teb koj tau kiag tam sim ntawd. Hais txog rau kev kaw suab lus (voicemails), xam cov lus kom tag nrho txog tias vim li cas koj ho hu tuaj nrog rau qhia koj cov ntaub ntawv tiv tauj thiab lub sij hawm uas zoo hu rau koj. Hais txog rau emails, muab sij hawm ob peb hnuv ua hauj lwm rau kev teb rov qab ua ntej yuav xa koj tsab email dua los sis hu rau ib tug neeg twg ntawm lub chaw ua hauj lwm. Feem ntau, koj yuav tiv tauj tau tus neeg pab tus neeg raug ua phem nyob rau ntawm lub chaw ua hauj lwm saib xyuas kev ua raws kev cai lij choj (prosecutor's office) tau ntau dua li tus kws lij choj uas saib xyuas qhov teeb meem.

Hais mus raws cov txheej txheem hais kev tsis txaus siab uas yog tus qauv

Cov neeg raug ua phem txhaum cai uas muaj kev tsis txaus siab muaj kev xaiv los siv cov hauv kev hais kev tsis txaus siab uas niaj hnuv siv. Txoj hauv kev uas siv heev tshaj plaws yog mus raws txoj saw kev sib txib thiab thov tham nrog tus neeg saib xyuas tus neeg ntawd. Tsis tas li ntawd, cov chaw ua hauj lwm saib xyuas kev ua raws kev cai lij choj hauv Minnesota kuj tseem yuav tsum muaj tus txheej txheem hais kev tsis txaus siab rau pej xeem thiab. Hauv qee suam, tau muab tus txheej txheem ntawd tso rau hauv lawv tus vev xaib thiab/los sis tej zaum lawv yuav muaj cov qauv npaj tseg lawm. Nyob rau hauv lwm suam, yuav tsis muaj daim qauv npaj tseg, thiab tus neeg raug ua phem yuav tsum xa daim ntawv tsis txaus siab ncaj qha mus rau tus thawj tub ceev xwm los sis tus sheriff.

Vam khom rau CVJU thiab cov neeg pab hauv cheeb tsam

Tsis tas li xwb, kuj tseem yuav muaj CVJU cov neeg ua hauj los teb cov lus nug thiab muab lus qhia txog txoj hauv kev daws teeb meem nrog lub chaw los sis cov kws saib xyuas kev ncaj ncees fab kev ua txhaum cai thiab. Tsis tas li ntawd, CVJU kuj txhawb kom cov neeg raug ua phem vam khom tus neeg pab tus neeg raug ua phem hauv cheeb tsam los muab cov ntaub ntawv hais txog rooj plaub nrog rau cov lus piv qhia txog tus txheej txheem thiab.

Kev muaj kev xav sib txawv los sis kev nkag siab yuam kev feem ntau yog raug daws kho tau los ntawm kev siv lub sij hawm los sib tham thiab mloog paus ntsis lus. Ntawm no yog qee cov kauj ruam yooj yim uas koj tuaj yeem ua los daws cov teeb meem thiab cov kev txhawj xeeb nrog ib tug neeg los sis ib lub chaw ua hauj lwm:

Nyeem txhua yam uas xa tuaj rau koj

Tshuaj xyuas cov ntaub ntawv uas muab los sis xa tuaj rau koj los ntawm tub ceev xwm, kws lij choj, tub ceev xwm saib xyuas kev tso neeg txim tawm los sim siab, los sis lub tsev hais plaub. Yog tias koj tsis nkag siab cov ntaub ntawv, ces tiv tauj rau lub chaw ua hauj lwm uas xa tsab natwv tuaj.

Nug cov lus nug

Yog koj tsis nkag siab tias yog vim li cas ho muaj qee yam tshwm sim, ces nug kom lawv piv qhia rau koj. Tsis txhob ntshai los nug txog cov kev cai, cov cai, los sis cov cai lij choj uas cuam tshuam.

Khaws cov ntaub ntawv zwm tseg

Kev vam khom kev siv hlwb nco tseg tsis yog txoj hauv kev uas zoo tshaj plaws ntawm kev khaws cov ntaub ntawv zwm tseg cia. Sau cov lus ua sib tham tseg cia, nug lub npe thiab qib hauj lwm ntawm cov neeg uas koj nrog tham, thiab khaws cov ntawv theej tseg ntawm txhua daim ntawv sib txuas lus.

Npaj koj tus kheej

Ua ntej yuav hu rau ib lub chaw ua hauj lwm, tshuaj xyuas yam ntaub ntawv thiab npaj koj cov lus nug kom txhij. Thaum xa email, sau koj tsab email kom luv thiab kom zoo nkauj, siv cov cim teev nqe lus (bullet points) kom nyeem tau yooj yim. Tsis txhob xa cov ntawv lo nrog ntau dhau. Nyob rau hauv koj cov kev sib txuas lus, qhia kom meej txog cov lus nug uas koj yuav nug thiab yam uas koj xav tau.

Cov Neeg Raug Ua Phem Muaj Cai

Hauv Minnesota, cov neeg raug ua phem txhaum cai muaj ntau txoj cai raws cai lij choj pib txij ntau li kev xub hu rai cov tub ceev xwm, thaum lub sij hauv sib foob ua rooj plaub, thiab tom qab raug txiav txim.

Tus neeg raug ua phem cov cai tseem ceeb yog muaj xws li:

- Txoj cai tau txais kev ceeb toom los ntawm tub ceev xwm thaum pib sib tiv tauj txog qee tus neeg raug ua phem txhaum cai cov cai thiab tau txais cov ntau ntawv hais txog cov peev txheej thiab cov nyiaj ntxiv rov qab (cov nyiaj them rov qab).
- Txoj cai uas yuav tau txais kev ceeb toom los ntawm tus kws saib xyuas kev ua raws cai lij choj (prosecutor) tias qhov kev ua txhaum twb raug foob lawm thiab lawv cov cai rau tus neeg raug ua phem txhaum cai.
- Txoj cai tau txais kev ceeb toom txog kev tso tus neeg ua txhaum cai tawm hauv nkuaj yog ua txhaum rau kev yuav txoj cai teem txim thiab kev siv dag zog hauv tsev.
- Txoj cai tau txais kev ceeb toom txog cov ntsiab lus ntawm daim ntawv cog lus hle kev txhaum uas thov qhia ua ntej nkag mus rau kev hle plaub hauv lub tsev hais plaub.
- Txoj cai los hais ib nqe lus hais txog qhov kev kub ntxhov rau tus neeg raug ua phem ntawm lub rooj sib hais los sis kev txiav txim.
- Txoj cai tau txais kev ceeb toom txog qhov txiaj ntsig ntawm rooj plaub.
- Txoj cai tau txais kev ceeb toom txog tus neeg raug ua phem cov cai uas siv tom qab txiav txim tag.

Tuaj yeem mus nrhiav daim ntawv teev tag nrho tus neeg raug ua phem txhaum cai cov tau ntawm Minnesota Lub Chaw Ua Hauj Lwm Saib Xyuas Lub Khoos Kas Kev Ncaj Ncees Tus Vev Xaib.

Lub Crime Victim Justice Unit muab tus txheej txheem rau cov neeg raug ua phem los nug txog cov kev nqis tes ua ntawm cov chaw ua hauj lwm saib xyuas kev ncaj ncees fab kev ua txhaum cai thiab kev pab cuam tus neeg raug ua phem thiab txhawb nqa txoj cai thiab txoj kev coj ua kom ntseeg tau tias cov neeg raug ua phem txhaum cai raug saib xyuas yam ncaj ncees, saib siab, thiab huab hwm.

Txhawm Rau Hais Kev Tsis Txaus Siab

Tiv tauj rau CVJU

Cov neeg raug ua phem txhaum cai uas hnov tau tias lawv txoj cai raug yuam cai los sis lawv tau txais kev saib xyuas tsis zoo raug txhawb kom tiv tauj rau CVJU hauv xov tooj, email, los sis dhau los ntawm daim foos thov nug hauv online ntawm CVJU tus vev xaib. Cov neeg ua hauj lwm muaj peev xwm tham txog qhov teeb meem, muab lus taw qhia, thiab qhia cov kev xaiv, suav nrog kev ua daim ntawv hais kev tsis txaus siab yog tias qhov teeb meem poob rau hauv CVJU lub luag hauj lwm.

Lub CVJU muaj txoj cai los tshuaj xyuas cov lus tsis txaus siab los ntawm cov neeg raug ua phem txhaum cai txog cov kev nqis tes ua los ntawm cov tswv cuab ntawm lub laj txheej saib xyuas kev ncaj ncees rau fab kev ua txhaum cai thiab cov koom haum uas muab cov kev pab cuam rau cov neeg raug ua phem. Lub CVJU tsis muaj txoj cai los tshuaj xyuas cov kws txiav txim plaub ntug los sis cov kev tsis txaus siab txog kev siv dag zog dhau cai los ntawm tub ceev xwm.

Sau daim foos hais kev tsis txaus siab

Daim ntawv hais kev tsis txaus siab rau lub CVJU tuaj yeem xa dhau ntawm tus vev xaib hauv online ntawm CVJU nplooj vev xaib nyob ntawm Minnesota Lub Chaw Ua Hauj Lwm Saib Xyuas Lub Khoos Kas Kev Ncaj Ncees Tus Vev Xaib. Cov foos sau hais kev tsis txaus siab kuj tseem muaj nyob rau ntawm CVJU nplooj vev xaib los sis xa tuaj hauv pais xab nis raws li kev thov thiab.

TIV TAUJ RAU PEB

CRIME VICTIM JUSTICE UNIT
Office of Justice Programs
445 Minnesota Street, Suite 2300
St. Paul, MN 55101-1515

Tus Email: cvju.ojp@state.mn.us

OJP Lub Vev Xaib: ojp.dps.mn.gov
Nrhiav CVJU lub vev xaib ntawm lub pob "Help for Crime Victims (Kev Pab rau Cov Neeg Raug Tsim Txom)".

651-201-7310

888-622-8799

12-22

LUB CHAW SAIB
XYUAS KEV
NCAJ NCEES
RAU COV NEEG
RAUG TSIM



OFFICE OF JUSTICE PROGRAMS

MINNESOTA DEPARTMENT OF PUBLIC SAFETY